



VVirichus ex illustri familia comitum Obersteniorum natus est. Is à pueris uirtutibus operam dedit, & Cæsaris castra sequendo ob rei bellicæ peritiam magnum sibi nomen comparauit. Itaque cum Anabaptistæ Monasterium urbem occupassent, atq; finitimi principes eam obsidere cogitarent, Vuirichus omnium uoluntate copijs, totiq; bello præfectus fuit. Vnde is urbem graui obsidione cinxit, & ad horrendam famem incolas perduxit. Cum etiam ob pecuniarū inopiam aliquando res in castris ad seditionē spectaret, Vuirichus sua prudentia milites benigne affatus, spe melioris fortunę compescuit, & in officio retinuit. Tandem

cum Imperij decreto pecunia allata & Oberstenio tradita esset, hisce militem refecit, & anno 1535, die 22 Iulij ipsam urbem occupauit, perruptis portis, & copijs introductis. Ibi rex Anabaptistarum Iohannes Leidensis cum alijs ducibus capite plexi, reliqui uerò erroris admoniti, & in gratiam recepti fuerunt.

Hoc modo factum, ut Vuirichus sibi ob bellum foeliciter administratum, magnum nomen apud Belgas compararit. Iohan.